

古 兆 陽

狄道州續志

卷一
之二

狄道州續志卷一

天文志

星野

凡井宿鬼宿兩圖附以歌釋均見舊志茲不重繪

祥異

高宗乾隆四十九年州貢生袁璽五世一堂生員王蘭親見七代

庶民魏國賢年八十五歲五世一堂俱各照例題 奏

仁宗嘉慶元年州民楊正年一百歲奉

旨旌表

嘉慶二十年洮河溢衝沒田地百四十二頃餘溺死男婦六

狄道州續志

卷一

星野 祥異

一

十餘人

嘉慶二十三年秋七月初五日狄道州東山奔壓陷田地三

十餘畝

宣宗道光七年州民潘永周妻薛氏一產二男

道光十一年春正月十二日天鼓鳴既止有火光大如斗照

耀村郭同白晝六月州南黎家窪山崩壓死二十五人

道光二十七年州民田中賢年一百五歲魏光世年一百三

歲王剛年一百三歲李大學年一百三歲王世美年一百二

歲王萬雄年一百二歲袁栢林年一百一歲雍都存年一百

一歲張加啟年一百一歲王永清李夫良王不忠楊仲均一

百歲俱奉

旨旌賞

高宗乾隆四十五年奉

上諭豁免甘肅通省四十三年以前未完地丁銀糧

五十一年奉

上諭豁免甘肅通省五十年五十一年地丁銀糧

五十六年奉

上諭甘肅一帶應徵地丁屯衛銀概免徵收

五十七年奉

上諭甘肅所屬目今係有軍務之時除米豆草束外其乾隆五十

八年應徵地丁銀一概豁免又將歷年積欠銀米草豆盡行豁

免

五十九年奉

狄道州續志

卷一

祥異

二

上諭以甘肅所屬二麥歉收豁免六十年通省地丁銀又奉

上諭動戶部庫銀五十萬兩委西安延安蘭州分三路散賑併將

甘肅各處常平倉糧酌量散賑

六十年春以甘肅去歲夏秋

被災奉

上諭撥解庫銀二十萬兩給發籽種俟秋收補還

四十九年奉

上諭全免蘭州府屬正耗銀糧

五十二年奉

上諭賑卹蘭州府屬貧民共糧三十八萬二千五百餘石

五十九年奉

上諭豁免天下歷年民欠蘭州府屬計共銀八萬一千八百餘兩

糧二十四萬四千餘石草一萬七千餘束

六十年以丙辰春元旦舉行

傳授大典

仁宗嘉慶元年地丁銀糧分作三年次第輪免又豁免蘭州府屬

各項經雜銀共四萬四千四百餘兩 嘉慶六年旱奉

上諭賑卹貧民共糧六萬七千八百餘石銀五萬一千五百餘兩

七年奉

上諭豁免元年至六年蘭州府屬民欠銀六萬七千四百餘兩草

五萬五千餘束 二十四年奉

上諭豁免蘭州府屬歷年民欠銀八萬四千九百餘兩糧八萬一

千餘石

狄道州續志

卷一

祥異

三

宣宗道光六年奉

上諭豁免蘭州府屬銀共四萬九千七百餘兩糧十萬八千七百

餘石草三萬七千五百餘束 道光十二年夏旱秋禾生蟲詳

請緩徵 十四年夏旱小麥一斗錢七百出糶倉糧以平市

價詳請緩徵 十六年夏秋禾旱詳請緩徵借民冬底及十

七年正二月口糧並十七年籽種

十八年秋禾被雹詳請緩徵借民來年籽種口糧

十九年夏秋禾被霜雹詳請緩徵借民來年籽種正二月口

糧

二十年夏禾旱詳請緩徵借民來年籽種正二月口糧

二十一年夏禾被雹詳請緩徵

二十二年夏禾被水秋禾被霜雹詳請緩徵

文宗咸豐元年柳林溝起蛟水高數丈淹沒廬室及庶民傭人無算

咸豐二年六月朔夜半馬啣山裂有火自地中作光燄燭天照耀山川至明始滅

咸豐十一年六月彗星見於西南光長數十丈至夏徂冬乃滅

穆宗同治元年七月蝗大旱

州西鳳凰山有聲如雷數月不息

狄道州續志

卷一

祥異

四

德宗光緒七年彗星見於北長三尺許

光緒十二年彗星見於東南長二尺許 初伏大雪

光緒十三年七月洮河漲西甕城垣沒於水

光緒十八年正月二十日白晝天有大星如火墮自西聲如雷蜿蜒者久之

光緒十九年六月皇后溝山崩壓男婦十三人

雹大如盃傷禾

光緒二十一年閏五月天鼓鳴回亂其二十二年應徵銀糧一律奉

旨豁免

光緒二十九年閏五月西南鄉被雹發倉糧一千零八十八石
四斗五升賑之

光緒三十年六月初慶雲見

洮河暴漲衝沒西南鄉地九百餘畝應徵銀糧詳請題免並
發倉糧一百一十四石二斗九升二合五勺賑之

光緒三十二年西鄉大雹傷禾發倉糧五百六十二石二斗
七升五合賑之

光緒三十三年八月天鼓鳴

光緒三十四年四月雨雪 霜傷禾 彗見東方

五月霜 旱

狄道州續志

卷一

祥異

五

六月西北鄉被雹發倉糧六百五十九石二斗二升五合賑
之

八月桃李華

狄道州續志卷一終

